
Эҳтиёжманд оиларга ер ажратиб берилди

Президентимиз ташаббуси билан коронавирус пандемияси даврида жойлардаги ишлар натижадорлигига эришиш, озиқ-овқат хавфсизлигини таъминлаш ҳамда томорқачиликни янада ривожлантириш орқали аҳоли бандлиги ва даромадини оширишга алоҳида эътибор қаратилмоқда.

Бу борада Риштон туманида ҳам эътиборга молик ишлар олиб борилмоқда.

Хусусан, тумандаги эҳтиёжманд оилаларнинг яшаш шароитлари, имкониятлари ва оила аъзоларининг бандлиги масалаларига алоҳида эътибор қаратилмоқда.

Эҳтиёжманд ва кам таъминланган оилаларни қўллаб-қувватлаш эҳтиёжманд оилалар фермер хўжаликлариға бириктирилиб, уларга 20 сотихдан ер майдони ажратилиб, такрорий экин экишга тайёр ҳолатга келтирилиб берилди. Ана шу оилалар ажратиб берилган ерларда дәхқончилик қилиб, сабзавот ва полиз экинларини парваришади. Ҳосил олингач, ўз истеъмолидан ортган маҳсулотларни бозорда сотиб, даромад олиш мумкин бўлади. Бу албатта, уларнинг турмуш фаровонлигини ошишига ёрдам беради.

Умуман, Риштонда ҳар бир қарич ердан самарали фойдаланиш, аҳоли бандлигини таъминлаш, камбағалликни қисқартиришга қаратилган бу каби ишлар кўлами тобора кенгайиб бормоқда.

2020-06-17 17:20:57